

Headlines

- 1 गृहमंत्री अमित शाह होरें आखेआ जे मुख्य दे बन्नें पर रमानदारी ऐ की जे पाकिस्तान गी केन्द्र च आई दी इस मजबूत सरकार दा डर ऐ।
- 2 गृहमंत्री होरें पहाड़ी ते गुज्जर-बक्करवाल समुदायें दे आरक्षण सरबंधी अधिकारें दी सुरक्षा लेई सरकार दी वचनबद्धता गी फही पक्का कीता ऐ।
- 3 प्रधानमंत्री नरेन्द्र मोदी होरें आखेआ ऐ जे क्वाड मुख्य भारत-प्रशांत खित्ते च रमानदारी, तरक्की ते खुशहाली लेई कम्म करने आले इक अहम समूह दे तौर पर सामने आए न।
- 4 क्रिकेट च चेन्नई दे एम.ए.चिंदंबरम स्टेडियम च बंगलादेश कन्नै खेड्डे जा'रदे टैस्ट मैच च भारत नै अपनी पकड़ बड़ी मती मजबूत बनाई लैती ऐ।

<><><><><><>

Amit Shah Border

बीजेपी दे वरिष्ठ नेता ते गृहमंत्री अमित शाह होरें अज्ज जोर देइयै आखेआ जे पाकिस्तान साढे प्रधानमंत्री नरेन्द्र मोदी हुंदे थमां डरदा ऐ, इस करियै पिछले लम्मे समें थमां जम्मू दे बन्नें पर संघर्ष विराम दी कोई उल्लंघना नेई होई दी ऐ। आकाशवाणी जम्मू संवाददाता मूजब शाह होरें आखेआ जे पाकिस्तान साढे बलें पर इक गोली चलांदा ऐ तां ओहदा परता तोप दे गोलें कन्नै दित्ता जंदा ऐ। मेंढर थमां बीजेपी दे मेदवार मुर्तजा खान हुंदे हककै च मेंढर च इक चुनावी रैली अग्गे भाषण दिंदे होई शाह होरें आखेआ जे बन्नें पर शांति ऐ ते मेंढर सनें होरने बन्ने आले जिलें दे लोक बी रमानदारी कन्नै जीन जीया करदे न। जम्मू कश्मीर च गड़बड़ी लेई पैहलकी सरकारें पर दोष लांदे होई शाह होरें आखेआ जे उंदी सरकार जम्मू खित्ते दे पहाड़ें च कदें बी हिंया ते गोलीबारी नेई होन देग। शाह होरें आखेआ

<><><><><><>

Amit Shah ST

गृहमंत्री अमित शाह होरें पहाड़ी, गुज्जरें ते बक्करवाल समुदाय दे अधिकारें लेई बड़ी तगड़ाई कन्नै हिमायत कीती ऐ ते आखेआ ऐ जे उंदे अधिकारें गी कुसै बी कीमत उप्पर रक्षा कीती जाग। आकाशवाणी दे पुंछ आले संवाददाता अनुभव मिस्त्री नै दस्सेआ ऐ जे अज्ज पुंछ जिले दे सुरनकोट ते मेंढर इलाकें च किट्ठ गी संबोधत करदे होई शाह होरें कांग्रेस, नैशनल कांफ्रेंस ते पीडी पर इल्जाम लाया ऐ जे ओह इनें समुदाये गी दहाके थमां उनेंगी आरक्षण दा फायदा देने थमां म्हेशां पिच्छे हटदी रेई। अमित शाह होरें अग्गे आखेआ

<><><><><><>

Congress

जम्मू कश्मीर च होआ करदे असैबली चुनावें च कांग्रेस मेदवारें दे हककै च प्रचार लेई राष्ट्री प्रधान मल्लिकार्जुन खरगे होरें आखेआ ऐ जे उंदी पार्टी राहुल गांधी होरें गी दित्ती जा'रदी धमकिएं खलाफ बरोध प्रदर्शन शुरू करोग। आकाशवाणी दे जम्मू संवाददाता दी रिपोर्ट मूजब खरगे होरें गलाया जे कांग्रेस पार्टी कदें बी आरएसएस ते बीजेपी दे बंड पोआने आले एजेंडे अग्गे नेई झुकोग। अज्ज जम्मू च आयोजित इक संवाददाता सम्मेलन गी संबोधत करदे होई खरगे होरें आखेआ जे लोकसभा च विपक्ष दे नेता राहुल गांधी हुंदे खलाफ बीजेपी दे नेताएं आस्सेआ कीती गेदी कथित ऐतराज जोग टिप्पणिएं पर आखर प्रधानमंत्री होर चुप कीह न। उनें आखेआ जे मोदी होर बीजेपी ते आरएसएस दे नेताएं दे कथित भडकाऊ ब्यानें दी अनदिकखी करे करदे न ते कोई कारवाई नेई करदे की जे ओह आपूं इनें नेताएं थमां डरदे न। खरगे होरें आरोप लाया जे राहुल गांधी होरें गी आतंकवादी ते राष्ट्र-बरोधी करार दित्ता जा करदा ऐ ते प्रधानमंत्री होर नेया करने आले लोकें खलाफ कोई कारवाई नेई करियै आपूं नेयी गलत चीजें गी बढ़ावा देआ करदे न।

<><><><><><>

Khatana

बीजेपी दे वरिष्ठ नेता ते राज्यसभा सांसद इंजीनियर गुलाम अली खटाना होरें नेशनल कांफ्रेंस दे नेता ते साबका मुखमन्त्री ओमर अब्दुल्ला हुंदे ओकड़े दावे गी खारिज कीता ऐ जेहदे च उनें आखेआ हा जे केन्द्र सरकार दे मंत्रिमंडल च इक बी मुस्लिम मंत्री नेई ऐ। इक बयान च सांसद खटाना होरें इस दावे गी खारज करदे होई मोदी सरकार दिएं कल्याणकारी गैहीं पर लोऽ पाई ते आखेआ जे नरेन्द्र मोदी हुंदी अगुवाई आहली केन्द्र सरकार नै जेहड़ियां पैहलकदमियां कीतीआं न उंदे करी वंशवाद दी राजनीतिक करने आहले अब्दुल्ला ते गांधी परोआरें अंदर डर-त्राह पैदा होई गेदा ऐ। खटाना होरें आखेआ जे इनें दौनें परोआरें केई दहाकें तगर वोट बैंक दी सियासत लेई मुस्लिम समुदाय गी हाशिये पर रखेआ। खटाना होरें इनें परोआरें आसेआ चुनाएं दरान मुस्लिम समुदाय लेई चानचक्क जागी दी चैंता दी सख्त निंदेआ कीती ते कन्नै एह दावा बी बन्नेआ जे 70एं ब'रें तगर एह परोआर मुस्लिम समुदाय दी अनदिक्खी करदे आए न।

<><><><><><>

Air Force

एयर मार्शल अमर प्रीत सिंह जेहड़े इसलै एयर स्टाफ दे वाइस चीफ दे तौरा पर कम्म करा'रदे न, गी एयर स्टाफ दे अगले चीफ दे तौरा पर नियुक्त कीता गेआ ऐ। अमर प्रीत सिंह इस महीने दी 30 तरीक दपैहरी एयर चीफ मार्शल विवके राम चौधरी हुंदे शा एयर स्टाफ दे चीफ दा औहदा सांभगन। अमर प्रीत सिंह होरें गी 1984 च भारतीय वायु सेना दे लड़ाकू पायलट स्ट्रीम च कमीशनड कीता गेआ हा ते उनें तकरीबन 40एं ब'रें दी लम्मी सेवा दरान बक्ख-बक्ख कमांड स्टाफ, निर्देशक ते विदेशी नियुक्तिएं च अपनी सेवा दित्ती ऐ। एयर अफसर इक योग्य उड़ान प्रशिक्षक ते इक Experiment Test Pilot न जिंदे कश बक्ख-बक्ख किस्में दे फिक्स्ड ते रोटरी विंग विमानें उप्पर 5 जहार शा मते घैंटे दा उड़ाने उप्पर अनुभव ऐ।

<><><><><><>

CBDT-Tax

केन्द्रीय प्रत्यक्ष कर बोर्ड नै आयकर विवादें दे मामले च लंबित अपीलें गी सुलजाने लेइ प्रत्यक्ष कर विवाद से विश्वास योजना 2024 शुरू कीती ऐ। एह योजना अगले महीने दी पैहली तरीक थमां लागू होई जाग। डीटीवीएसवी जां ओहदे शा पैहले शपथ पत्र दायर करने आले करदाताएं गी घट्ट रकम देनी होग।

<><><><><><>

PM-Quad

प्रधानमंत्री नरेन्द्र मोदी होरें आखेआ ऐ जे क्वाड हिंद-प्रशांत क्षेत्र च शांति, तरक्की ते समृद्धि लेई कम्म करने आले समान बचारधरा आले मुखें दे इक मुख्य समूह दे तौरा पर सामने आया ऐ। प्रधानमंत्री होर अमरीका च डेलावेयर दे विलमिंगटन च शुरू होने आले 6में सलाना क्वाड लीडरें दे शिखर सम्मेलन च हिस्सा लेने आस्तै जावा'रदे न। मेद ऐ जे क्वाड समूह दे सदस्य जलवायु परिवर्तन थमां लेइयै महत्वपूर्ण उभरादे प्रौद्योगिकीजेनेह केई मुद्दें पर चर्चा करगंन। क्वाड शिखर सम्मेलन शा पैहले प्रधानमंत्री नरेन्द्र मोदी अज्ज रातीं राष्ट्रपति जो बाइडेन हुंदे नै दपक्खी बैठकां करगंन। प्रधानमंत्री हुंदा आस्ट्रेलिया दे प्रधानमंत्री एंथनी एलबनिज ते जापान दे प्रधानमंत्री फूकमयो किशिंदा हुंदे कन्नै बी बैठकां करने दा कार्यक्रम ऐ। प्रधानमंत्री मोदी होरें भरोसा जताया ऐ जे ओह जो बाइडेन हुंदे कन्ने उंदी मलाटी दरान भारत ते अमरीका बश्कार व्यापक वैश्विक रणनीतिक सांझेदारी गी होर मजबूत करने आस्तै नमें रस्तें दी समीखा ते पंछान करने दी खुल्ल होग।

<><><><><><>

Announcement in Dogri

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेड़े च होआ करदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क शृंखला प्रसारित करार दा ऐ। इस सिलसिले च अजे तोहड़ी, डोडा, किशतवाड़, रामबन ते रजौरी जिलें पर आधारित कार्यक्रम बी प्रसारित कीते जाई चुके दा ऐ ते हुन औंदी 22 सितम्बर गी पुंछ जिले पर आधारित विशेष कार्यक्रम दा प्रसारण कीता जाहग। एहदे परैन्त इससै महीने दी 24, 26, 27, 28 ते 30 सितंबर गी बडले 8:45 बजे बाकी रौहदे जिलें पर आधारित कार्यक्रम बी प्रसारित कीते जागन जिंदे च जम्मू संभाग दे इनें जिले दा ऐतिहासिक, पर्यटन ते राजनीतिक अवलोकन पेश कीता जाग स केंद्र शासित प्रदेश च होआ करदे

विधानसभा चुनावें दे मद्देनजर, शुरू कीती गेदी इस श्रृंखला दा मकसद आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ।

<><><><><><>

SVEEP Udhampur

उधमपुर जिले दे स्वीप ते पीडब्ल्यूडी आइकॉन दे तौर पर नियुक्त कीते गेदे दिव्यांग पवन देव सिंह होरें मतदाताएं अग्गे अपील कीती ऐ जे अपना कीमती वोट पाने दा मौका नेई छोड़न। पवन देव सिंह गी पीडब्ल्यूडी आइकॉन इस गल्लै गी जकीनी बनाने लेई अपनी प्रतिबद्धता दा प्रदर्शन करा'रदे न ते हर नागरिक गी भाएं उंदी हालात कुसै बी चाल्ली दी होए, पर चुनावें प्रक्रिया च हिस्सा लैने दा बरोबर मौका हासल होवै। आकाशवाणी दे संवाददाता कन्नै गल्ल करदे होई पवन देव सिंह होरें आखेआ

<><><><><><>

SVEEP Reasi

रियासी दे डीसी दफ्तर च अज्ज जिला चुनावें अधिकारी हुंदे मार्गदर्शन हेठ इक स्वीप कार्यक्रम दा आयोजन कीता गेआ। इस मौके पर बोलदे होई स्वीप दे नोडल अफसर सचिन शर्मा होरें चुनावें भागीदारी बारे जागरूकता पैदा करने लेई स्वीप दी गतिविधिएं दे महत्व पर लोह पाई ते आकाशवाणी दे संवाददाता कन्नै गल्ल करदे होई अग्गे आखेआ.....बाईट

<><><><><><>

Kathua-SVEEP

स्वीप कार्यक्रम तैह्त् चला'रदे मतदाता जागरूकता पैह्लकदमियै दे हिस्से दे तौरा पर चुनावें सरबंधी जागरूकता फैलाने लेई सरकारी हाई स्कूल हटली च इक खास संगोष्ठी प्रतियोगिता दा आयोजन कीता गेआ। विद्यार्थिं इस प्रतियोगिता च हिस्सा लैता ते चुनावें प्रक्रिया च मतदान करने दी सगंध बी लैती। इस मौके पर आकाशवाणी दे संवाददाता कन्नै गल्ल करदे होई इस मुहिम च हिस्सा लैने आले किश विद्यार्थिं गलाया

<><><><><><>

Samba SVEEP

सांबा जिले दे हाई स्कूल जतवाल च अज्जै थमां इक इंटर-डिस्ट्रिक्ट कुड़िं दी वॉलीबाल प्रतियोगिता शुरू कीती गेई ऐ। इस कार्यक्रम दी शुरूआत मतदान दे महत्व बारे इक खास सत्र कन्नै होई जेहदा मकसद मतदाताएं गी मतदान बारे जागरूक करना ते चुनावें च बधी-चढ़ियै हिस्सा लैने बारे जानकार बनाना हा। आकाशवाणी दे सांबा आले संवाददाता सतपाल शर्मा नै दस्सेआ ऐ जे इस मौके पर हिस्सा लेने आलें गी जोर देइयै आखेआ जे मतदान प्रक्रिया च बधी-चढ़ियै हिस्सा लैने। इस मौके पर आकाशवाणी दे संवाददाता कन्नै गल्ल करदे होई स्वीप सांबा दी नोडल अफसर इकशू शर्मा होरें गलाया

<><><><><><>

Cricket

चेन्नई दे एम.ए.चिदंबरम स्टेडियम च बंगलादेश खिलाफ खेड्डे जा'रदे टैस्ट मैच च भारत नै अपनी स्थिति बड़ी मती मजबूत करी लैती दी ऐ। पैहले टैस्ट मैच दे अज्ज त्रीये दिनै दा खेड्ड मुक्कने तगर बंगलादेश दी टीम नै 4 विकेटें दे नुक्सान पर 158 रंज बनाई लेते न। बंगलादेश लेइ शकिब अल हसन 5 ते नजमुल हुसैन शांतो 51 रंज बनाइयै क्रीज पर न। एहदे शा पैहले अज्ज भारत नै 4 विकेटें पर 287 रंज बनाइयै अपनी दूई पारी घोषत करी दित्ती ते बंगलादेश गी जितत लेई 515 रंजें दा बड़ा बड्डा लक्ष्य देई दित्ता। भारत दी तरफा शुभमन गिल नै 119 ते ऋषभ पंत नै 109 रंजें दियां शानदार पारियां खेड्डियां। जेहदी मदाद कन्नै भारत नै 4 विकेटें दे नुक्सान पर 287 रंज पर अपनी पारी घोषत कीती। गिल ते पंत नै चौथी विकेट लेई 167 रंजें दी सांझेदारी कीती। एहदे शा पैहले बंगलादेश अपनी पैहली पारी च छडे 149 रंज गै बनाई सकेआ हा।

<><><><><><>